


Ami ta Papiamento tabata un exito rotundo



ORANJESTAD (AAN): Colegio Arubano y Colegio San Nicolas recientemente



a lansa un concurso di skirbimento y contamento artistico di storia cortico original na Papiamento bou di e alumnonan di HAVO-3 y VWO-3 titula 'Ami ta Papiamento!'. Meta di e proyecto aki ta pa stimula e hobennan pa skirbi den idioma Papiamento, promove e uzo di idioma Papiamento, uzo di arte combina cu contamento di storia y pa finalmente yega na un buki cu storia di hoben pa hoben, cu lo drenta e curiculo di Papiamento na ambos scol.

E dos huradonan di texto skirbi, Monica Bremono di HAVO-3 y Carry Ann Lambrinos di VWO-4, a lesa y analisa e obranan y finalmente a scoge e nueve storianan finalista. E finalistanan tabata: Jair van Nes, Samantha Belleza, Janirey Severino, Jullie-san Croes, Maria Moran, Favienne Thode, Dennis Geerman, Tyra Ang y Elson-John Del Valle. Tur e nueve hobennan aki a haya e tarea adicional pa agrega un of otro forma artistico di presentacion pa compania e autor den su contamento di cuenta.

Dia prome di juni ultimo, e hoben talentonan aki a conta nan storia exitosamente dilanti di un publico selecto. Un panel di hurado, consistiendo di sra. Aureen Croes, sr. Jossy Tromp, sra. Dika Fingal-Feliciana y srta. Elize Maduro a scoge e storia exclusivo di e buki y cu lo duna titulo na e buki cu lo keda publica. E hoben Favienne Thode a resulta e ganado maximo e anochi aki cu su obra 'Secreto tras di e porta'.

E proyecto aki tabata realisabel danki na e siguiente



sponsor- y colaboradornan: Radisson Resort & Casino, Aruba Bank NV, OCCA, SMOA, Colegio San Nicolas, Colegio Arubano, Lisboa Bar NV, sr. Jossy Tromp, Simar y

sr. Quito Nicolaas.

E organisadornan ta hazi uzo di e espacio aki pa gradici specialmente tur participante, nan mayornan, sr. Rene Ridderstap, srta.

Thais Emerencia y tur colega cu a duna nan aporte pa hazi e evento uno exitoso. Pronto publico general lo sera conoci cu e obra 'Secreto tras di e porta y otro storianan'.